

開縣志

城池

城之言盛池之言治所以盛郡國而治人民也開治三面臨江背枕高山重關設險謂非屹然蜀東一保障哉作城池志第五

舊築土城明成化二十三年撫治道董齡始命甃砌石城高一丈二尺周二里許計三百六十丈有竒正德六年署縣訓導楊文重修建樓濬池深廣一丈四門增砌益高東曰望仙以神山名南曰瑞石

開縣志

卷五

城池

一

以仙女名

西曰留陽

以日名

北曰盛山

以接盛山名今北門填塞

正德七年藍鄆賊猖獗至城下圍四晝夜莫能攻縣卒保全楊文之功也後因承平日久屋廢墻圯知縣滇南李名缺設法修築復豎樓屋年久復傾乾隆七年知縣粵西秦有年捐造東西二樓併修南樓

國朝乾隆三十二年知縣師瑞龍率同士民重修磚城一座高一丈二尺周二里許計三百七十三丈並建修東西南城樓三門增砌益高東曰迎陽西曰



留陽南曰中陽嘉慶二三年間賊匪犯境城狹小  
居民避難蜂集城狹不能容時知縣張有本累土  
添築少城使居之嘉慶十三年知縣馬鳴鸞因土  
城舊基易之石高一丈二尺周四里許計七百四  
十五丈並建睥睨如制城門五座東曰臨清南二  
門一曰便民一曰帶彭西曰怡桃北曰承恩內正  
北東西水洞二門東南角水洞二門內外城今共  
十二門道光二十二年知縣陳長墉修補內城咸  
豐三年知縣李肇奎修補內外城垣挑濬城濠又  
於城內外添築礮臺四處城益堅固附錄修城碑  
記云開在秦爲胸忍縣地逮漢末始特置縣卽華  
陽國志所謂建安二十四年置漢豐縣在郡西北  
彭溪源是也舊理在今縣南二里至唐始移今治  
雙江左右夾流毘盧轟其前盛山峙其後自昔稱  
形勝焉查舊志向爲土城洎明成化時始易以磚  
我  
朝嘉慶初前令張君有本增置少城迄今又五十餘  
年矣咸豐二年秋粵匪擾及楚疆

天子軫念民艱特下堅壁清野之令奎適來攝斯邑下車後嚴編保甲勸修砦洞不數月一律蕝事未幾邑父老鞠膺而前曰鄉鎮手足也邑城腹心也急手足而忘腹心將保障之謂何於斯時也富者輸財貧者輸力鼙鼓不聞畚鍤雲集城之傾圮者補之濠之淤塞者濬之皆如舊制復恐壁壘雖嚴而攻戰無具也爰於城四隅添築礮臺名一崇如屹如豈不可以壯聲靈而資捍衛哉銘曰盛山巖業清水潺湲開江古治虎踞龍盤以戰則克以守則

開縣志

卷五

城池

三

堅言言仡仡億萬斯年咸豐三年九月署開縣事

三原李肇奎撰